

16.06.2020թ.

ք. Երևան

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ

ՈՐՈՇՈՒՄ թիվ 431173/07

ՎԱՐՉԱԿԱՆ ԻՐԱՎԱԽԱՆՏՄԱՆ ԳՈՐԾԻ ՎԵՐԱԲԵՐՅԱԼ

24205 Ես՝ ՀՀ ՊԵԿ իրավաբանական վարչության պետ Ա.Մնացականյանս, քննելով 16.06.2020թ. թիվ
վարչական իրավախախտման վերաբերյալ արձանագրությունը և կից նյութերը,
ՊԱՐԶԵՑԻ

Ա/Ձ Աշոտ Երկաթյանը (ՀՎՀՀ՝ 40564762, հասցե՝ ք. Հրազդան, Միկրոշրջ, 4 24) ՀՀ Հարկային
օրենսգրքի 134-րդ հոդվածի 1-ին մասով սահմանված ժամկետում հարկային մարմին չի ներկայացրել
2019թ. շահութահարկի տարեկան հաշվարկը, ինչպես նաև <<Կուտակային կենսաթոշակների մասին>>
ՀՀ օրենքի 14-րդ հոդվածի համաձայն 156 հոդվածի 4-րդ մասի 2-րդ կետով սահմանված ժամկետում չի
ներկայացրել 2019թ. անհատ ձեռնարկատիրոջ և նոտարի սոցիալական վճարի հաշվարկը, որոնց համար
նախատեսված է վարչական պատասխանատվություն համաձայն Վարչական իրավախախտումների
վերաբերյալ ՀՀ օրենսգրքի 169՝ հոդվածի 2-րդ մասի:

Կողմը գործի քննության մասին պատշաճ ծանուցված լինելով՝ ներկայացրել է առարկություն այն
մասին, որ 2019թ. շահութահարկի տարեկան հաշվարկը, ինչպես 2019թ. անհատ ձեռնարկատիրոջ և
նոտարի սոցիալական վճարի հաշվարկը չի ներկայացրել օրենսդրությամբ սահմանված ժամկետում, քանի
որ 2019թ.՝ հունվարից մինչև սեպտեմբեր ամիսը գործունեության դադարեցման օրը գործունեություն չի
իրականացրել հիվանդ լինելու պատճառով, ուստի խնդրել է վարչական տույժ չկիրառել:

Առարկության հիմքում ընկած փաստերը վարչական պատասխանատվությունից ազատման
իրավական հիմք չեն կարող հանդիսանալ, քանի որ համաձայն ՀՀ ՊԵԿ տեղեկատվական համակարգի
տվյալների ուսումնասիրությունից պարզ է դարձել, որ Ա/Ձ Աշոտ Երկաթյանը 01.01.2019թ. մինչև
24.09.2019թ. եղել է գործող կարգավիճակում:

Միաժամանակ համաձայն ՀՀ Հարկային օրենսգրքի 134 հոդվածի 1-ին մասի Ռեզիդենտ
շահութահարկ վճարողները, Հայաստանի Հանրապետությունում հաշվառված, կանոնները գրանցած
պայմանագրային ներդրումային ֆոնդերը (բացառությամբ կենսաթոշակային ֆոնդերի և երաշխիքային
ֆոնդերի), ինչպես նաև մշտական հաստատության միջոցով Հայաստանի Հանրապետությունում
գործունեություն իրականացնող ոչ ռեզիդենտ շահութահարկ վճարողները մինչև հաշվետու
ժամանակաշրջանին հաջորդող հարկային տարվա ապրիլի 20-ը ներառյալ Օրենսգրքի 53-րդ հոդվածով
սահմանված կարգով հարկային մարմին են ներկայացնում շահութահարկի հաշվարկ:

Նույն Օրենսգրքի 125-րդ հոդվածի 3-րդ մասի համաձայն՝ օրենսգրքի 13-րդ բաժնով սահմանված
հարկման հատուկ համակարգերում գործունեություն իրականացնող անհատ ձեռնարկատերերը և
նոտարները գործունեության այդ տեսակների մասով շահութահարկը վճարում են ամսական հինգ հազար
դրամի չափով (անկախ այն հանգամանքից, թե անհատ ձեռնարկատերը կամ նոտարը քանի հարկման
հատուկ համակարգում է գործունեություն իրականացնում), որը նրանց համար գործունեության այդ
տեսակների մասով համարվում է շահութահարկի գծով վերջնական հարկային պարտավորություն:

Սույն մասի կիրառության իմաստով՝ 1) այն հարկ վճարողը, որը հարկային մարմին է
ներկայացրել հարկային մարմնի հաստատած ձևով հայտարարություն՝

ա. որևէ օրվանից սկսած՝ անորոշ ժամկետով գործունեությունը դադարեցնելու մասին, ապա
հայտարարության մեջ նշված՝ գործունեությունը դադարեցնելու օրվանից (բայց ոչ շուտ, քան
գործունեությունը դադարեցնելու մասին հայտարարություն ներկայացնելու օրը) մինչև գործունեությունը
վերսկսելու մասին հարկային մարմնի հաստատած ձևով ներկայացվող հայտարարության մեջ նշված՝
գործունեությունը վերսկսելու օրը (բայց ոչ շուտ, քան գործունեությունը վերսկսելու մասին հայտարարություն
ներկայացնելու օրը) ընկած ժամանակահատվածում ներառվող ամբողջական ամիսների համար սույն
մասով սահմանված չափով շահութահարկ չի հաշվարկում և չի վճարում:

Համաձայն՝ «Հուտակային կենսաթոշակների մասին» ՀՀ օրենքի 7-րդ հոդվածի 4-րդ մասի համաձայնությունները և անհատ ձեռնարկատերերն ստացման ենթակա եկամուտներից ինքնուրույն հաշվարկում և փոխանցում են սոցիալական վճարները տարեկան կտրվածքով՝ Հայաստանի Հանրապետության հարկային օրենսգրքով շահութահարկի վճարման համար սահմանված ժամկետներում, իսկ ինքնագրադրված անձինք, ինչպես նաև վարձու աշխատողները, որպես ինքնագրադրված անձինք՝ տարեկան կտրվածքով եկամտային հարկի վճարման համար սահմանված ժամկետներում:

Վերոհիշյալ իրավանորմերի վերլուծությունից պարզ է դառնում, որ գործող կարգավիճակում գտնվելու բոլոր ամիսների համար հարկման հատուկ համակարգերում գործունեություն իրականացնող անհատ ձեռնարկատերերը և նոտարները գործունեության այդ տեսակների մասով պարտավոր են հաշվարկել և վճարել շահութահարկ և սոցիալական վճար, ուստի տվյալ դեպքում 2019թ. հունվարից մինչև սեպտեմբեր ամիսների համար Կողմը պարտավոր էր ներկայացնել 2019թ. շահութահարկի, ինչպես նաև անհատ ձեռնարկատիրոջ և նոտարի սոցիալական վճարի տարեկան հաշվարկներ անկախ գործունեություն իրականացրած լինելու հանգամանքից:

Այն փաստը, որ Կողմը վերջին մեկ տարվա ընթացքում չի ենթարկվել վարչական պատասխանատվության, սույն գործով դիտվում է որպես պատասխանատվությունը մեղմացնող հանգամանք:

Նկատի ունենալով, որ արարքը նախատեսված է Վարչական իրավախախտումների վերաբերյալ ՀՀ օրենսգրքի 169¹ հոդվածի 2-րդ մասով, բացակայում են վարչական պատասխանատվությունը բացառող հանգամանքերը և ղեկավարվելով Վարչական իրավախախտումների վերաբերյալ ՀՀ օրենսգրքի 32-րդ հոդվածի 2-րդ մասով, 33-րդ, 244² 281 հոդվածներով և 282 հոդվածի 1-ին կետով՝

ՈՐՈՇԵՑԻ

Համաձայն Վարչական իրավախախտումների վերաբերյալ ՀՀ օրենսգրքի 169¹ հոդվածի 2-րդ մասի՝ Աշոտ Երկաթյանի նկատմամբ կիրառել վարչական տույժ՝ նշանակել տուգանք 10.000 (տասն հազար) դրամի չափով:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ

Վ. ԵՆԱՅԱԿԱՆՅԱՆ



Ծանոթություն. Վարչական իրավախախտումների վերաբերյալ ՀՀ օրենսգրքի համաձայն՝ Վարչական տույժ նշանակելը վարչական իրավախախտում կատարած անձին չի ազատում այն պարտականության կատարումից, որը չկատարելու համար նշանակվել էր վարչական տույժ (հոդված 40)

Վարչական իրավախախտման վերաբերյալ գործի որոշման դեմ գանգատ կարող է տրվել որոշումը ընդդիմելու օրվանից հետո երեսուն օրվա ընթացքում: Նշված ժամկետը հարգելի պատճառներով բաց թողնելու դեպքում այդ ժամկետը կարող է վերականգնվել գանգատը քննելու համար իրավագոր մարմնի (պաշտոնատար անձի) կողմից, այն անձի դիմումով, որի նկատմամբ ընդունված է որոշումը (հոդված 288) կամ որոշումը կարող է բողոքարկվել ՀՀ վարչական դատարան՝ երկամսյա ժամկետում:

Խախտողի կողմից տուգանքը պետք է վճարվի տուգանք նշանակելու մասին որոշումը նրան հանձնելու օրվանից ոչ ուշ, քան տասնհինգ օրվա ընթացքում, իսկ այդ որոշումը գանգատարկելու կամ բողոքարկելու դեպքում՝ գանգատը կամ բողոքը առանց բավարարման թողնելու մասին ծանուցման օրվանից ոչ ուշ, քան տասնհինգ օրվա ընթացքում (հոդված 305, մաս 1) գանձապետական հետևյալ հաշվեհամարին.

900005240487՝ վճարման անդորրագրի «նպատակ» դաշտում պարտադիր նշելով որոշման համարը:

Տուգանքը նշանակելու մասին որոշումն իրավախախտում կատարած անձին հանձնելու օրվանից, իսկ տուգանքը նշանակելու մասին որոշումը բողոքարկելու դեպքում բողոքն առանց բավարարման թողնելուց հետո 15 օրվա ընթացքում տուգանքը չվճարելու դեպքում այն ենթակա է բռնագանձման օրենսդրությամբ սահմանված կարգով:

Ստացա որոշման պատճենը _____